

## Transkription von Urkunde RIG 1489a

Ort, Datierung: Riga, 1489-06-01

Signatur: Staatsarchiv Riga, Fond 673, Apparat 2, Kasten 2, 9

---

Ick Johan(n) Asschenbrock Bekenne apenbar vor allen de dussen myne(n) opene(n) vorsegelden breff  
zeen horen edder leszen / vor my vnde myne rechten erue betugende dat alsze ick my denn(e) den  
Erszamen wolwisen he(re)n Borgher meyste(re)n vnd(e) / Radtma(n)nen der Stadt Rige in lifflande  
vnde erer stadt ghemenheyde vn(de) Jnwoneren allen vor ene(n) houetman(n) to ere(n) / besten  
bestedighet ze my dar vor na vnszer endracht vnde ouereynkome(n)ghe dar to vp ghenome(n) vn(de)  
dar uor gheholden / hebbe ere gunste leue vnde gude ffru(n)tschopp bewyset vnde my Jarlikes to lone  
ghelonet deger all Entliken(n) vth gherichtet / vnde wol betalt hebben des ick Johan(n)  
Assche(n)brock den Erszame(n) borg(er)meysteren Radtma(n)ne(n) vn(de) der Stadt Rige gudt /  
ffrüntliker betalinghe leffliken bedancke So hebbe ick vorlaten vn(de) qwidt gheschulden vorlate ock  
vn(de) qwidt / schelde de erghenante(n) borg(er)meystere Radtma(n)nen Jnwonere(n) der Stadt Rige  
vry qwuidt ledich vn(de) losz in vnde myt crafft / dusses breues jntokome(n)den tijden vp de  
ergena(n)ten Borghermeystere Radtma(n)ne jnwonere noch vp de Stadt Rige / vor my vn(de) alle  
myne rechten erue in nenerleye wise noch myt rechte geystlick edder wertlick noch sust anders in  
nener / mathe bute(n) off by(n)nen landen mynes denstes halue(n) offte ghelouedes ghedencke edder  
wyl se vorder mane(n) anlangen to / spreken moyen by eren truwen vnde cristliken gheleue(n) ane alle  
argelist vn(de) geuerde des tor tuchnisse vn(de) orkunde der / warheyt hebbe ick Johan(n) Asschebrock  
merghedacht my(n) angheborne(n) Jnghesegel vor my vnde myne rechten erue / witliken benedden an  
dussen breff anghenagen de geue(n) ys vn(de) screuen des ma(n)dages vor pinxsten / Ann(o)  
dom(ini) lxxxix<sup>t(en)</sup> Ja(r)e /